

Lub University of California, Davis  
Cov Ntsiab-Lus Hais Rau Zej-Zog  
Lub 4 hlis April tim 28, xyoo 2015

**Kev Taw Qhia:** Lub UC Davis yog ib lub zos uas muaj ntau haiv neeg muaj ntau hom cwj-pwm sib txawv thiab ntau hom kev xav nyob ua ke. Peb tuaj ntawd ntau haiv neeg yav tag los thiab muaj kev pom txawv, txawv kev xav thiab txawv hom phiaj. Peb lees paub li ntawd thiaj sib koom tsim tsa thiab ua kom tau ib lub zej zog muaj kev txawj ntse nrov ncha ntws, peb yuav tsum nkag siab thiab saib peb kev sib txawv kom muaj nqis thiab ua peb lub hauv paus uas ruaj khov. Lub UC Davis Cov Ntsiab-Lus Hais Rau Zej-Zog yog ib cov lus hais tawm hauv lub siab dawb paug tuaj tias yuav ua kom tau zoo li hais no, thiab kom tshwm sim raws li lub niam tswvyim uas peb niaj hnuv tshawb nrhiav los coj ua kom tau zoo.

**Cov Ntsiab-Lus Hais Rau Zej-Zog**

Lub University of California, Davis, yog thawj lub thiab xub muaj kev kawm, qhia ntawv, tshawb fawb thiab muaj kev pab cuam pej xeem. UC Davis paub thiab ua tau raws li tau cog lus tias yuav pab txhua haiv neeg thoob ntiaj teb thiab zej-zog uas muaj ntau hom neeg sib txawv. Lub university cia siab tias txhua tus tswv-cuab hauv zej-zog yuav tsum lees paub, saib muaj nqis, thiab coj mus ua kom tau raws li cov qauv teev hauv qab no:

Peb pom zoo txais yuav peb txhua tus lub meej mom, thiab peb siv zog tuav tswj kev nyab xeeb thiab kev ncaj ncees los ntawm kev ib leeg hwm ib leeg. Peb lees paub tias peb cov neeg hauv lub zej-zog muaj keeb kwm kev tsis ncaj ncees cog tob heev thiab xav yuam kev. Yog li ntawd, peb yuav tsum sibzog pab txhawb kev sib nkag siab thiab sib hwm ntau yam uas muaj nyob hauv peb kom peb nyob tau ua pab pawg ua ke.

Peb pom zoo rau txoj cai hais lus ywjpheej nyob rau hauv peb lub zej-zog. Peb pom zoo rau peb qhov cog lus tsis tsim kev kub ntxhov sib tawm tsam thiab yuav coj qauv zoo tshaj thiab nruab nrab ntug rau sawvdaws txhua tus. Nyob rau hauv cov ntsiab lus no peb tsis kam lees txais kev kub ntxhov txhua hom li. Peb txhawb qhov qhib kev hais lus tawm tswv yim ntawm peb cov neeg thiab tej qhov txawv ntawm peb kom muaj ciam muaj qhov paub cai, sib saib taus thiab sib hwm. Tshaj no mus peb pom ntxiv txog txoj cai ntawm tus neeg kev xav, kev hais lus, kev qhia tawm thiab kev sib cav lub tswvyim uas muaj ciam raws li tsev kawm ntawv university txoj cai tswj thiab lub sijhawm, tej thaj chaw thiab tus cwj pwm coj.

Peb tawm tsam thiab tsis kam lees yuav txhua yam uas tshwm sim rau kev sib cais sib saib tsis taus, haiv neeg, haiv neeg tej keeb kwm, hais txog pojniam losyog txivneej, lub hnoob nyoog, tus neeg uas puas cev ntaj xib ntsug, haiv tib neeg, tej hom kev sib deev, txheej xwm ua pej xeem, txheej xwm qub tub rog, muaj kev cai dab qhuas/tsky muaj dab qhuas, sab ntsuj plig, losyog kev cai ntseeg nom tswv, kev nrhiav noj nrhiav haus, txheej xwm sab hauv losyog sab nraum ntawm lub university, losyog tej yam uas lwm tus txawv uas tib neeg totaub yuam kev es twb tau txais kev zam txim tias yog tsis nkag siab, hais lus tsis nkag siab losyog ntsub ntxaug. Peb lees paub thiab pab txhawb kom muaj qhov zoo rau peb lub neej txoj sia txawm tias peb yog neeg sib txawv. Peb txaus siab txais txhua yam uas yog peb kev muaj yeej, thiab txaus siab ua kev zoo siab rau peb qhov txawv uas nyob tau ua ke.

Peb paub txog tias peb txhua tus muaj qhov khi thiab koom nrog lub zej-zog UC Davis uas yog qhov peb xaiv los koom ua ke. Peb yuav siv zog tsim tsa thiab koom tes rau phab kev lis kev cai thiab txoj kev nyab xeeb raws li kev sib hwm thiab sib saib taus.